

淮  
海  
英  
靈  
集

淮海英靈集

鄉人阮元輯錄

張

弓

字抑高號維川其先延安人占籍儀徵父以總戎鎮閩頗著戰功抑高落魄窮而工詩與洪去燕嘉

蔭爲詩友生於順治丙申年八十餘子茂實

梓陽阻雪

一雨凝陰雪便飛春寒不管客思歸  
萋萋芳草無蹤跡何處天涯有翠微

發三山畱別故人

爲翁申侯先君之故吏也

悠悠山上雲萋萋路傍草人生有聚散  
舍意不能道我行日以歸子在誰與好  
窮達旣云命富貴豈常保願子加餐飯無  
令顏色槁將行復執手掩淚心如擣再會  
知何時預愁相見老

其二

送我出北門，日上門始開。今日與子別，何時當復來。飄飄東北風，吹路起塵埃。十年一再見，百歲能幾回。淚竭其延佇，飛鳥臨徘徊。

酬林五河明府起英甲午歲爲先大人紀功碑文

起英卽寧

德人後以孝廉任五河縣令

在昔誰知頗，牧賢感君樂。石紀鴻篇勤，勞久息滄溟。浪勁氣猶橫，鶴嶺烟白鶴嶺乃赴福州大路其山最爲高峻。百戰威聲疑是夢，千秋直筆歎如弦。雨烹日炙應難剝，偉績名文許竝傳。

桐山道中懷歸

歲月驚人去，奔馳又一年。路從經過險，月記到時圓。谷窺晴堪喜，村荒暮可憐。憑高無限望，江水綠村前。

四君詠

故公厭瓢士曳尾潛江濱引商調寡合因貧道益親結茅鄰  
老圃種竹舒清神忘已復忘世默默全吾真義皇未云遠古  
道惟斯人

右釋天放

太璞苦不作圭角日彫露我生既後時永思吉人晤江上曾  
夫子孝友光庭幕令顏啟後昆正氣資調護斯民賴老成和  
鸞方遵路

右曾子巷

魏君淮南彥崛起惟天授躡險恒自夷望遠惟恐後卓哉百  
世師且暮精神邁涉海止衆流駕馭空羣驟抱此珠玉輝畢  
露山川秀

右魏廓功

世不知斯人吾亦可無語何意羣鷲鵬反笑大鵬舉上人英  
妙質游踪渺千里閒心雲在天朗抱月在水徵召詎能來猿  
鶴爲徒侶

右釋枯雲

江樓有懷

羈人何事最牽情，纔見梅開草又生。  
湖海正難高處望，東風莫送鼓鼙聲。

冬日晤洪去蕪再訪不值

四年纔一見，款語未移時。  
相約遊清夜，予方有所之。  
詰朝尋不遇，停午益相思。  
惆悵歸來後，情深賦此詩。

同裴若右人漪園作

勝遊既不易，佳客良獨難。  
與子結芳契，偶步城南園。  
菡萏出清漣，嘉樹鳴幽蟬。  
香風吹我衣，柔枝拂我冠。  
元鳥未云逝，白雲登秋潭。  
感念往昔交，曾無幾日歡。  
望望歲時去，池塘生暮寒。

奉答芋堂題先君遺像原韻

久荒成世亂宿衛出爲官

先君當勝國時籍御林軍後隸盧監靖南侯麾下

禦侮曾

臨海抒忠欲瀝肝破山禡虎號

順治時閩寇號爲張飛虎禱雨得龍歡治

甲午守寧德縣久旱禱雨輒應民建功德坊

石表嵯峨久苔痕類鏃瘢

左衡

字自衡江都人康熙時人所著有寄盧詩草四卷

春夜喜王仔園乘月棹舟見過

不厭過荒逕如君眼獨青風生簷外竹月到水邊亭夜色窺  
書幌春流動酒星醉歌情未已撥棹向前汀

贈李巢雲

失意同王粲多才擬謫仙薄田難望歲破屋不藏天避俗居  
人後吟詩在客先與君渺無事攜手話江烟

夜坐

日興厭頽濁夜坐生空明山月上逾白江風吹復清領此羣

動息嘯歌娛我情

黃鶴樓

黃鶴何年去高樓萬里情  
金沙還有色玉笛已無聲  
江白隨風起山青趁雨生  
客心渾欲駐猶是武昌城

南池秋暝

野寺立秋暝輕烟漾淺汀  
鳥喧深動竹魚出細吹萍  
一磬落寒碧萬山來遠青  
謾言乘興晚隨意寫雲屏

陶

徵字季深又字昭萬復以字行曰陶季寶應人不事

東歷海岱所至輒交其賢豪長者辭遂止為詩取法六

詞公卿爭欲薦之激時在京師力辭遂止為詩取法六

朝初盛唐蒼老道逸為國初鉅手著有舟車集二十

卷後集十卷唐詩多似高岑龍標今日一作手也又

其客湖與阿曹子建墓有句云可憐衰草地猶是建安

人為時

所稱

江南曲

江南小姬舞且歌揚衷似雪朱顏酡迴眸緩節觴行多觴行  
多拍將歇上客去愁獨妾

湖口效西崑體

橫江日出江城小峰斷路迴波淼淼薄衾香夢不勝春可惜  
遙鐘促清曉擘衣送君君別難下堂欲語先愁歎君行幾日  
到南郡妾恨獨無雙羽翰鯉魚風起寒生粟帆盡雲橫看不  
足

野泊

野泊映殘暉漁舟晚合圍一星侵月出雙鷁背人飛世事終  
塵鞅吾生有釣磯年年問南北多與壯心違

陳思王墓



斜日胥高樹秋風生細塵可憐衰草地猶是建安人白屋更  
新主青山結故鄰童童雙楮在風雨各于春

過周定王故城

南苑柳絲眠不起北山石墮池心水年年閉却故宮春喚月  
無聲杜鵑死方礎照人前殿空風殘雨歇落衣紅歌魂寂寞  
畏白日涼蟾照影啼秋蛩秋衾銅輦君恩薄野棠猶發連枝  
萼鈿雁香殘宮鬢消玉魚鱗斷芳脂落天公有情人未知菖  
蒲花發蜻蛉飛安得仙藥起峨眉一闕緩歌張素絲

溯江四首

蘇錢塘至  
江山縣

水折嚴陵瀨舟人欲溯難此中真異境盡日可忘餐獨鶴盤  
空小千峯撲翠寒西風今夜發愁絕相風竿

旅泊誰能寐相逢且進杯清流澄七里明月到雙臺木葉迎

秋亂風帆拂曙開富春山蝶噪隨處送青來

風雨愁孤客灘聲日夜流四山頻送曉萬木總成秋舊令傳  
宗澤狂禪失貫休豈期元暢字猶屬沈公樓

咫尺分巒嶺輕舟尚越鄉城通一水碧峯壓半林黃寂寞旗  
亭酒飄零估客裝逢人無賴甚堅坐說江郎

福州臘月口號

周遭山色弄清暉老樹青青草色肥不信嶺南寒不到一冬  
蝴蝶傍人飛

三不朽詩

高淳小邑有孀妻治母喪者其妻往誓死不食因訟于令令爲出俸錢使歸之辛丑八月

余聞之  
紀贛叟

親恩如天淪於幽泉嗟爾寡妻胡忍棄旃從義所重促音絕  
弦促音絕弦火誰不爾憐

所天惛惛剗肉自療傷哉何心忍卽於醮視天蒼蒼視水浩浩  
浩務而截耳庶以云報

罔極惟親從一惟身微二人之故孰知我侯之仁

汎谿

歸舟前日發信宿下辰谿雨急雲爭合山空鳥自唳犢眠黃  
磧裏人語翠微西漸得耕耘暇年來息鼓聲

催何震種竹

牆東三畝宅儘可萬竿生但得經營暇須教種植成繞闌休  
過密疊石更餘清待我歸來日長歌逕裏行

觀北嶽廟壁吳道子天宮圖

吳生畫手稱絕倫千年遺墨猶鮮新曾聞經營洛城北五聖  
龍袞紛然陳今年遠遊憇恒麓花飛滿前當暮春孤城畫靜

倚山色雕甍碧玉爭嶙峋入門甍影盡松栝落生階凡清無  
塵殿中虛壁動光怪星旌羽葆來僊僊千官夾路各殊相百  
靈奉輦還逡巡一人猷冕獨森秀旁有御者巾紅巾鞭驅赤  
虹駕雲氣玉女窈窕隨車茵豐隆作怒雨師喜猶狂無數誰  
能馴丹青之妙竟若此想像顧陸皆前身當時奇思豈易發  
定有劒舞橫秋旻我今觀久忽生怖智慮情恍母乃真吁嗟  
乎古人胸臆盡萬變不然此道安能神

登恒山四首

曲陽縣西北百四十里志云上曲陽今大茂山也

恒陽地與塞垣通山勢紆迴接大同黑霧不消陰礪雪翠微  
時下石壇風燔柴有制思虞典持節無人出漢宮幽渺嶽靈  
何所寄巋然碑版綴落紅

異草靈源不可尋舊時松柏正蕭森雲屯鳥道晴俱濕雨過

龍湫碧自沈極望豈同王粲意竭來眞憫向平心遙思太華  
三峯直尚隔關門莫苦吟

不盡浮雲起北隅離離城郭望中孤荒原白草還今古戰骨  
青燐半有無委宛萬山連抱犢嶺岷一道隱飛狐憑高莫問  
探符事昔日嬴秦計本迂

磨笄山下夕陽開一片流雲直北來燕沒不聞青草墓蒼茫  
何處白登臺春歸楊柳懷千里酒泛蒲桃醉百杯沙磧有人  
連突騎紛紛知是射生回

題秋水文鴛冊

交頸如何又別離風中楊柳碧絲絲一灣秋水蘋花冷可是  
橫塘月墮時

追和楊鐵厓花遊曲

戊午四月八日余在京師城南得  
觀文徵仲楷書小冊點畫波磔宛

如秋蠅前書至正戊子三月十日會稽楊維禎借茅  
山老人玉峯才子雨後往遊石湖攜妓瑤英過寒積  
寺坐衍禪師西軒對碧桃花因爲瑤英賦花遊曲玉  
峯和之云云而徵仲自記錄詩則在正德甲戌六月  
二十三日上距諸公遊樂之日已百六十有七年矣  
今去徵仲時又歷年百六十有五勝事之無聞今昔  
能移人情如此  
此爰追和之

吳山雨霽烟濛濛羣公此地邀春風載得紅妝碧湖裏唱徹  
新聲隔烟水花枝灼灼當寺門美人鳴璫曳絳裙折花不語  
獨回步腸斷鴛鴦道旁墓可憐遊屐不復來至今空憶芙蓉  
杯相逢且與試茗椀莫問從前舊歌板夕陽一片湖水西衍  
公素壁堪重題春鶯自是催花使楊柳陰中啼不止蠅頭小  
字誰擘箋殷勤重賦花遊篇

繇廣福觀至永寧觀宿

卯山真人追魂碑載在歐陽集古錄我來道院訪陳迹正值

清秋滿空谷，鎮入一去丹井荒。百六十年如轉軸，後之學者  
豐去奢羽化，猶能繼前躅。如何近代久寂寥，役鬼驅神事難  
續。歸途憩坐山色暝，下視松溪漾。寒淥樓前僅存，鳧氏鐘可  
怪。銑于半紆曲，縉雲令尹夢中。字人說鐘鳴，字未足惜哉。此  
碑今渺茫，何況大書韓擇木。永寧觀鐘唐乾元二年鑄宋宣  
和初罹兵火未鏤也韓亦有碑

俱失  
所在

### 將之濠梁

敝帚千金價，庸人總不知。徒令天下士，每歎結歡遲。歲月淹  
行旅，風霜改鬢絲。此來盛賓客，猶是鄭當時。

### 宿秦園嘉樹堂荅宮諭昆弟

往余遊梁谿，櫂舟檻泉側。烹泉試雷莢，月出雲四匿。同時得  
顧況，脫具扛鼎力。斯須百韻成，山澤爲改色。再登漪澗堂，翠

木竝修飭傾觴各盡醉星河瀉胸臆蒼茫越三紀奮去多跼  
翼今來叩山靈峩峩互芳崩堂中賢主人文采天下式逢余  
雙眼青快意曷有極堂開漸深廣泉沸自清湜賞心惟千春  
奚必資釣弋先生固肥遯志士所取則吾曹期勉旃相望在  
南北顧譬余友  
赤方也

縱櫂園新船醺樂詩

往昔我遊明聖湖良辰勝友交相於汝陰攜李各分幟詩壇  
才畧驚孫吳葡萄酒之酒載百斛傾銀注玉同懽呼樓頭赫蹠  
分險韻輕舸傳送如飛鳥坐客誰爲八父手長吟短什咸斯  
須昆季濃華敵溫李公醺酬唱追應徐後來嘉會易銷歇賸  
有練影沈秋菰比年此事屬吾邑城隅淥水開畫圖堂中主  
人憺無欲日尋數子借舟車橋通柴門宛轉水不巾不戰宿



所如昨宵畫舫漾天鏡東方正吐驪龍珠金支倒坐夾空翠  
涼颺細發飄單襦觴行未多絲竹作燈前皓齒歌吳趨厨船  
進食次第見羅列一一皆芳腴三更露溼客旣醉園樹早已  
驚棲烏迴船攬景憶往昔棄時取適元非愚君不見跳丸歲  
月冉冉至千古知足惟二疏

前此龔定山曹潔躬兩先生主西湖遊賞距今四十二稔矣辛

未八月十三日記

訪蕭處士汎柳湖而歸

南郭散墟烟人家放鴨船一谿清漾影萬木翠侵天覓句鶯  
聲裏尋春燕子前何當結鄰住吟坐草芊芊

將入新岁境

三月始聞鶯柔桑處處生雨餘雲葉斷溪澗浪花平白鳥分  
山翠青邨記水程天都行漸近不爲布帆輕

補蘇子美滄浪亭詩記壁閒韻

長史發天奧龍賓集其肘論事輒攬忌放廢日嗜酒憤則形  
諸詩誦讀不去手是時梅都官同聲在人口知已劉後村賞  
音歐陽九栖心城南隅維宋實罕有淪漣近咫尺環植有榆  
柳至今遺斯亭碑石尚未朽

汪耀麟

字叔定號北臯江都貢生與弟懋麟齊名著抱束  
堂集六卷南徐唱和詩一卷愛園倡和詩若干卷

移居愛園四首

築室期容膝依山結小樓白雲高欲駐明月迴堪收樹密羣  
峯暗花深曲逕幽閒來隨杖履歡奉老親遊

一邱堪坐久聊以避繁華亂石松邊屋閒亭竹裏家林疎通  
鳥雀窗靜敞雲霞憑眺西山晚高城落照斜

南軒無別樹一院總梧桐夜月看常好秋風聽不同影搖清

簾冷聲落小庭空更喜聞疎雨瀟瀟和砌葢

園林芟辟後爽氣滿高臺白露催蟬去青天送雁來山楓千  
葉落籬菊一花開秋色誰爲賦詩同小謝裁

胡元潤畫晚登燕子磯圖并和阮亭先生壁閒韻見示  
和答

絕頂憑凌破晚晴高秋萬里暮烟橫不分草樹連天暗但見  
波濤列掌平月冷聞鐘洪濟寺霜濃吹角石頭城青山不道  
歸君手寫出空江落葉聲

買犢行

五月田家看收麥小麥漸黃大麥熟門前高柳如烟濃池內  
新秧似雲綠我來正值農夫歸新向前村買黃犢田家愛牛  
如愛子手自牽來入堂屋不願却虎且糞金但願蓮花生四

足兩耳不燥角不觝無事不立晝常伏一日能耕百畝田收  
比從前多十斛

聞阮亭先生以戶部尚書郎簡翰林侍講奉寄

承

恩初見入瀛臺館閣同看珥筆來七寶座從天際得九英花  
白日邊開掌中抽草應多夢籍裏逢仙是有胎蓮炬撤回眞  
異數雲霄侍從是奇才

送聽翁遊淮陰兼呈魯謙菴

閉門種字臥林邱

聽翁約凡索詩文者皆令種花名齋曰種字林

飛鳥投閒已倦遊

弔古忽遺春水棹懷人重上月波樓舊時酒伴知誰在此日  
詩名讓爾收遺老尚存陳仲舉定畱高榻待南州

續桃花行

顧書宜招過春江草堂看桃花款西信宿因續眞州桃花行卽和原韻以酬

襖被在肩肩未下來往無端翻自詫真州昨夜看花回一棹  
纔停車復駕主人折簡何殷勤恐我來遲花欲謝過橋李密  
桃漸稀始信丁寧語非詐褰帷下榻翦紅蠟吹火烹泉蕪紫  
麝玉炊飯甑米宿春珠滴糟牀酒初醅厨房疊至味必豐街  
鼓頻傳夜將罷坦率祇覺心忘形謔浪難辭語多罅畱客雨  
雲排不開動地風沙喧可怕簾前霽色朝重生葉底鶯聲鬧  
如罵緣溪何必尋武陵秉燭真如宴春夜知君林壑舊已然  
惜我耳目今來乍平池綠漲環竹扉侵幔紅香列花架江山  
對面心神開圖籍繞身眼光射但得軟飽游黑甜不辭堅臥  
披黃帕故爲高論余似癡實繫閒情爾毋訝青藤作杖手自  
扶黃犢牽犁口常吒春風桃李愛花多暫對春江得休暇

陪家東川大司成與吳山崙諸君遊宴屢日卽事四首

林園多在北門西一帶高城壓水低望裏常如看畫卷春來

亦或有詩題臨橋賣酒喧村店隔舫吹簫唱大隄不若城南

最閒曠綠楊亭榭愜幽棲

集南園

城南昨日潑春醅又向城西放艇來看過幾家山後竹坐殘

一樹水邊梅人亡夢斷春池草客少庭荒夜雨苔

集許園憶力臣師六

兩翰

富貴何時但行樂官辭燈火夜深回

兒時此地有高樓

集巴園

直上層層見遠洲

園爲張中丞舊圃有樓三層可望瓜

潤

自被兵戈頻換主不堪今昔重回頭龍鱗翠柏歆黃石雁

齒紅橋跨碧流別作一番新面目居然城郭是林邱

欲看青峯疊翠髮脫韁驕馬上平山樓開眞賞窗三面橋渡

清平水一灣細酌名泉僧味永暫聞疎磬客心閒獨嗟墳上

雙華表了令何時化鶴還

集平山堂拜蛟門墓

汪懋麟

字季角，號蛟門，江都人。康熙丁未進士，官內閣中書舍人。以憂歸。康熙二十七年卒。王士禛傳：以

薦入史館，未幾罷歸。康熙二十七年卒。王士禛傳：以

云季角更號蛟門，康熙二十七年卒。王士禛傳：以

主事入史館，充纂修官。尋補刑部，仍直史館。君才遜敏

不敢託史事，自侯南城武某以一夜以車載尸，鞭馬於南

園宿董之貴家，董利其貴，綬之。夜以車載尸，鞭馬於南

他去武父得尸於道，得車馬於劉氏之門，訟之。官謂劉

殺其子，君曰：殺尸而置其車馬於劉氏之門，訟之。官謂劉

門外縱其馬，至之貴門，輒跳躍悲鳴，衝戶以入。君即

令收之，訊得實，寘之。貴於法，劉得釋。都人爲之作馬訟圖

賦詩，張之。君得實寘之，貴於法，劉得釋。都人爲之作馬訟圖

而時出新意，古文猶喜。王介甫晚歲爲文章，峭刻近之。

君稱詩，聲下與田公綸、霞、宋介甫、晚歲爲文章，峭刻近之。

汝王君幼華，顏君修來，葉君井叔、曹君升六、謝君千仞、

相唱和，時號十子。歸田後，得疾，將革，令洗硯磨墨，嗅之。

復令烹佳茗，以進。自謂香沁心骨，口占二絕句云：「惡夢

虛名久未閒，孤雲倦鳥乍還山。半生心事無多子，只在

文章勳業都無是。敢與何劉一例傳。大笑而逝。

抵京集飲頌嘉邸齋同用六月韻

重九前二日其年升六子綸頌嘉子靜舟次家兄喜余

舟車兩月幾曾歇  
昨到城門日將沒  
下馬踉蹌解弓箭  
入坐從容整巾襪  
故人驚我未老瘦  
似謂平生厭糠粃  
踪跡豈料同觸羊  
時命早知遇磨蠍  
三年偃臥棲碧山  
十度遲回望丹闕  
不堪覩面稱臺郎  
直可藏身作街卒  
不才那足邀人知  
無狀定須行自劾  
感彼馬得復馬失  
莫歎狐埋與狐搯  
方驚地軸翻巨鰲  
聽說天門掃流亭  
吾徒對酒聊偷安  
夙昔逢場笑干謁  
嵇生自顧玉山頽  
李侯豈受金谷罰  
虛名不欲列二難  
妄語何勞矜七發  
爭奇角勝齊開張  
摘伏攻瑕顯嘲訐  
到底同心比唇齒  
豈有他時異矛鉞  
一生着屐能幾兩  
百計營生苦多窟  
及時且插頭上花  
對山可拄囊中笏

題孫岷瞻學士扈從射麕圖和嚴存菴詹事韻

羽林健兒熊虎軀  
生小射獵無人俱  
捷如黃鵠翔雲衢  
翻身



疾點春草鋪衲襜袴褶青搖榆睢盱咤叱顧盼殊春霜如霰  
光塗塗長楊館前花萬株百物乘令齊榮敷驅駟駢駟駟  
驅責育絳噲褒鄂趨忽傳宣索拳毛駒大羽之箭張軒弧  
帝言學士神采都錦靴金鞵騰雙鳧黃塵突起奔騰履引滿  
馳逐蒼鷹呼一箭正中羣鷲吁連營規地崩賓瑜中殺下殺  
充官厨燔羊椎牛斟錦蘇頌賜先及侍從徒始知白面非腐  
儒此時意氣橫八區佳哉學士眉與鬚斂手鵠立當庭隅被  
服輕溫貂貉狐紫羅照耀腰黑旅豈但繁弱兼屈盧  
皇仁夙昔矜天雛蒐行恐踐春田蕪下令戒彼山澤虞火耕  
水耨嗟農夫君吁臣拂良然乎上林之賦空有無

銅鼓歌爲樹百給事作

銅山夜鳴颯風雨鐘鏞四應疑彪虎金鐵精靈帶兵氣巧匠

烹煎作軍鼓鼓聲坎坎如鳴鼉蟲魚鏤錯花葉多龍師慘淡

直千鎰驃國不得誇玉螺貞元中驃國進樂有玉螺銅鼓錙于刁斗軍中寶

祀鬼禳災集夷獠錚鏖絕域雄夜郎騰蹕蠻溪近天討叛散

有類鳥獸羣九絲勞動樓船軍南交越巒實蠢蠢瘴烟毒霧

徒紛紛古鼎躍水何年至竟作閒齋閣花器龔州刺史空咨

嗟魚懸佛寺生土花咸通末張直方刺龔州修城掘得銅鼓藏至襄漢捨延壽觀院番馬大

帥枉收拾神入野田爲怒蛙信宗時鄭續鑿番馬有牧兒聞田中蛤鳴捕之蛤入蠻塚遂得

銅鼓鼓上有蛙龜狀因獻續懸武庫中何幸黃門作知己古色摩挲碧於水料

量尺寸兩握腰辨識花文四垂耳或稱此鼓由文淵主人意

思殊不然渡瀘附會諸葛事考之載紀無流傳書生異同且

高閣吾欲當筵作杯杓不然短襟禿袖招花奴揚榼三摻非

豪儼

送韓醉白游淮陰兼寄劉六皆鄒桐厓劉价人

霜風如刀木葉落寒氣侵衣冷難著有客乘舟將遠行東門  
慘澹斜陽薄羨君今年二十餘家無四壁能讀書雄文健筆  
自無敵結納賢豪人不如去年八月錢塘住吳山越水多佳  
句今年再向南徐遊振衣高詠三山秋邇來又渡黃河口我  
有故人與我厚劉郎登第尚清貧閉戶賦詩兼飲酒鄒生豪  
素走風雲落筆欲迫王右軍价人翩翩更年少賈誼才華果  
英妙三子別久無尺書我欲煩君問同調君去相逢情自歡  
漂母祠前尋釣竿淮陰子弟如相問爲道王孫亦姓韓

劉莊感舊

揚州昔苦戰貔虎臨江濬陣雲壓城黑金甲明重闔余時方  
七齡歷歷記猶真吾翁守空城遣家避海瀕提攜杖老母跋

涉嘗艱辛四兄年十餘相依走踈踈託迹到劉莊主人情舊  
親謂余父有造報恩在茲辰移堂讓我居汲水濯我塵老婢  
來執爨送米兼宰牲室有二嬌女鶯燕往來頻兒戲無嫌猜  
慰母時諄諄中兄死兵革季兄陷營屯老母日夜泣枯口復  
焦唇小時不曉事索食遭母嗔亂後始還家一一向父陳古  
人重交道寄託原有因骨肉散復聚何莫非鬼神升沈閭炎  
涼如隔楚與秦豈意重來過忽將三十春訪舊已爲鬼門巷  
摧爲薪不復見耆舊滿眼皆流民我欲報舊德此意何由申  
日莫發船去回首淚盈巾

捕賊行爲侍御夏公賦

邑小山荒舊多賊鴟梟亂嗥林晝黑官吏束手不敢捕驅捉  
殘黎苦羅織井里蕭條人跡稀二三老稚無完衣戶籍雖存

半爲鬼流亡竄徒何時歸公曰吾民豈爲盜單騎夜馳走相  
告賊黨羅拜涕泣陳自此鄉邨不爲暴紛紛良民買犢耕齊  
道我公神且明空城忽增二萬戶四境但聞雞犬聲治盜從  
來重良吏渤海曾聞得龔遂但使開誠復革心翻笑縫衣亦  
多事

凌烈婦

南有黃北有沚水盈盈石齒齒孝子亡烈婦死名雲湘姓吳  
氏尚書孫孝廉子夫家誰凌御史凌死忠義聲起孤克孝聞  
閭里婦作配家益圯事二姑缺甘旨手執舂隨十指姑食粟  
已糠粃還灌園供箸七泥且深濺帚履夜提甕出汲水夫與  
婦步履徙雖朱門而僕婢夫得疾藥親視疾不瘳容悉毀股  
潛封肉空委鸞影隻柏舟矢竟絕食自經矣孰爲殮母與姊

啟其裳見衣裏百縷結繫麻泉烈哉婦罕與比稱未亡猶所  
恥況二天真犬豕作歌媿彼臨邛美

仲冬平山堂落成太守金公招同諸君燕集卽席得五  
十韻

曠野看飛鳥山堂擁巨鰲新晴雲日變昨夜雨風號天意興  
名蹟羣情寄濁醪軒車來古寺供帳起平臯賢守從何得斯  
文喜再遭此中關典禮豈獨繫風騷轉覺經營易回思計畫  
勞十年謀築舍九月始聞礬佞佛人情怯驅僧物議囂名山  
何宗宗淫祀久滔滔正氣思韓愈遺書念李翱憂來常獨往  
論定忝同操地脉還縣巨山精莽迓逃檐楹穿樹直棟宇入  
雲牢俎豆尊先哲詩書養俊髦臺前宜騁望嶺上辨纖豪細  
草嘶驕馬輕波汎畫舫蠶謹依錦勒魚動響春篙蠶女條桑

葉溪翁摘珊瑚諸峯環几席一水接城壕堂外仍栽柳門前  
好種桃榜題縣篆籀碑版翦蓬蒿百堵工徐作層樓願尚饗  
倚欄觀海日側枕聽江濤霧氣騰雙塔風颿走萬艘雷唐傳  
法曲隋苑想雲璈莫道絲華改頻嗟戰伐鏗名泉湮石甃隱  
語覓神膏事更追唐宋人還得謝曹應求來越嶠賓客有臨  
洮劍氣齊騰上珠光不可殫上梁文競作招隱賦相挑白雪  
歌難和青天首自搔芳筵歌鯁鯉美酒瀉蒲萄選味宜烹韭  
升堂擬獻羔朱弦調玉柱鐵撥轉檀槽華讖圍金帶詩盟奪  
錦袍清遊同落帽險韻續題糕勸客持荷葉留賓送海螯已  
知情倒極何惜醉醅醕燻火傳三楚經綸重六韜長江空似  
帶羣盜竇如毛吏是今年借恩從此日叨使君多暇豫黎庶  
失啣嘈美績眞難及

天書特賜褒四郊馳驛騎三命錫旌旄

時太守擢觀察將行惜別揮金

盤彈冠贈寶刀似余原嬾拙何幸倚賢豪博雅推張載循良繼叔敖佗年懷舊德名與碧山高

同茗文兄咸中仁趾登堯峯避雨湘雲館晚霽望太湖

諸山

峯勢崒嶮樵徑幽初日欲上山煙收笥輿登頓氣力駭指顧已達千峯頭高巖絕壑各莽蒼突兀龍洞尤雕鏤千年老蛟破壁出爪痕尚作之而畱洞門巨石列几案屹立不動如眠牛摩挲偃仰不能去雨勢倏忽騰山陬奔雷盤空與石鬪避濕且入東林遊停車脫帽下階坐辛夷爛漫光油油寶雲泉水頗甘滑亭來花蘂香浮甌堂頭乞食向何處我輩講法驚猿猴衆僧側聽默無語松聲挾雨疑深秋須臾返照倚山壁



雲木澹蕩聞鉤輅太湖萬頃瀉明鏡洞庭如黛雙脊修菜花  
黃綠錦成織春秧鱗櫛初抽顧此豁然快心目辟倪萬象  
毛之輶黃昏秋策下山阪微茫月色銜前洲

四月二日由法相經石屋上煙霞涉九溪十八礮至理  
安寺渡嶺失道尋眞珠虎跑甘露諸泉卽憩甘露僧舍

初徑入南山已覺巖壑僻北山固聳秀光景似莫敵茲山富  
草木老松足千尺修竹幾萬箇清陰覆崖石法相隱眞僧耳  
長聞過嶺錢王來趨迎四大賸衣襍石屋誰所鑿造物亦奇  
闕東坡與秋壑名共一落碧賢姦今何如千載總陳迹煙霞  
叠新綠上下如麴糲回顧前所遭瞥眼都一擲涉谿徑益深  
細水綠礮窄時聞蘭蕙香幽芳不可摘峯轉步恐迷石觸路  
疑畫不謂塵濫中有此神仙宅理宗昔巡幸君子重遺澤奈

何吾道湮竟以儒化釋愛彼羸月樓卻枕諸峯脊此中好圖  
畫妙手黃鶴客老濛昔摹索大得川谷益方我入煙霞嗟賞  
已嘖嘖謂畫似松年及此又讓格山水原無窮自歎所見迫  
歸路尋名泉謬說一嶺隔豈意行失道幾罹豺虎尾綫路緩  
狃爭僅受履一隻伏行達前山履險仗厮役出林逢老僧神  
漢始漸獲燒筍兼剝豆飽食定魂魄從容別滋味子細審泉  
脈吾倦欲一眠繩牀借經籍

晚過昭慶寺與曹秋岳侍郎別

暝色上禪房鐘聲上佛香到門山雨落入夜白衣涼詞賦傷

羈客湖山別侍郎蓼莪同有恨珍重此行藏時公與余方辭薦不赴

劉中柱

字砥澗號兩峯寶應人以國子監官遷部郎出爲正定府知府與汪蛟門陶季深汪舟次喬石林朱

秋厓陳冰壑史蕉飲鄧孝威同時爲詩友濟南田山蘊稱其詩波瀾老成光輝發越所著有兼隱齋詩抄八卷

續抄三卷又來  
館詩集六卷

讀先司馬公離騷註有感

東南倡節義端文垂芳規

端文顧公憲成

忠憲真卓犖

忠憲高公攀龍

先後

相追隨我公起淮海名爲賢者推

劉公宗周疏稱三公爲東林領袖

古道肅

冠裳清風振鬚眉時俗尚工巧好修非所宜寒樹無春榮窮  
竈少炎炊殷憂不得志耿耿註楚辭中心契幽冥江潭接射  
陂豈徒悅椒桂別有靈均思

徐健菴夫子召飲梨花下卽席同紀柏子朱錫鬯汪蛟  
門顧寧人嚴蓀友

薊門春已深到眼繁花絕突兀高樓前雙樹儼成列翩翩霓  
裳輕瑩瑩玉壺澈恍疑洛川神一顧光皎潔憶我故園中芳  
菲定堪折畱滯京陌塵睹此傷久別沽春爲洗粧幽芳臥明

月東風能幾時吹落空階雪

報國寺喜晤高澹人賦贈

布衣姓氏

九重知

召對曾經到鳳池玉几看臨淳化帖繡茵傳賦謫僊詩露從  
仙掌盤中賜香入宮袍袖裏披記取慈仁松樹下當筵風雨  
識君時

古意東朱十錫鬯

澗鶴從東來翛然冰雪姿徘徊不宥下孤飛將安之高凌青  
漢上樓止蒼松枝渴飲蓬瀛水飢啄商山芝取意貴適性長  
唳生清颺俯視籠中鳥跼踏堪深悲虞人空嘆羨繒繳將安  
施

送毛大可檢討假歸

玉河橋畔柳疎疎，惆悵離情百不如。同調十年懷舊雨，歸鞍一束只殘書。紅燈綠酒開樽後，花影鶯聲撥棹初。回首上林人袞袞，馬頭塵起拂金魚。

平山堂拜汪蛟門墓

迤邐行郊外，肩輿當策筇。酒旗藏密柳，僧磬出孤松。地占東南勝，堂畱六一踪。憑欄思故友，埋玉傍中峯。

題桃花扇傳奇

兩星夾日輝旌幢，樓船衝浪南渡江。

福王入南都時有兩黃星挾日而趨

金陵

王氣消已盡，却思草草重興邦。中原鼎沸紛塵壑，戰氛祇在長江外。半壁金湯據上游，六朝山水開都會。福王生小解溫柔，吹竹彈絲第一流。蟋蟀相公工召敵，蝦蟆天子本無愁。

福王

嘗命乞兒捕蝦蟇取蟾酥合房中藥士英至寶帶進姦僧手

聞有似道之好人稱蝦蟇天子蟋蟀相公

李沾進一帶屬利根稱為至寶士英遂進御江南錢塞馬家

口西邸紛紛日賣官監紀如羊職方狗當時謠曰監紀多如羊職方賤似狗掃盡

塞馬家口奄黨新翻燕子賤烏絲玉版譜朱絃陽臺歌舞瓊

樓上士英進用阮大鍼有詩曰陽粧束梨園玉帳前大鍼誓

衣蟒玉見者呼權奸事跡都如此太學諸生清議起幻蜃妖

為梨園裝束

慕羽檄飛從此左兵南下矣左寧南傳檄誅馬阮閣部丹忱

炳日星臨江流涕望中興密談空對應庭吉史可法以閣部

官應庭吉酒中密談出福王出鎮揚州與推舌戰曾勞柳敬亭壓寨夫人威

手詔曰左兵南矣吾將赴難

奪幟四鎮鼠牙爭角椅黃金壩上陣雲飛番天鶴子尤恣肆

走將軍營瓜州渡口樓船下桃葉山前鐵騎橫西風颯颯牙

檣折

史閣部所乘船桅竿每夜作聲祭之不止

孤忠冷照揚州月嶺上梅花擁白

雲一坏碧葬萋宏血營門戰鼓聲檠檠星光黯淡雲爲濛

紫微

垣星暗史閣部屏入夜出召應庭吉視之凄然泣下

靖南戰死二劉走一載堪憐福運

終

對西長安門上有一對福通告終云云

秦淮流水清如玉一片平蕪葬蛾綠朱

門草沒大功坊孝陵夜夜啼烏哭云亭才子寫殘春譜出延

年法曲新媚香樓畔青溪曲種得桃花似美人侯郎風調眞

無匹櫻桃一曲鴛鴦結却奩從此挾深仇可憐溝水東西別

別後風波又幾重合顰無那出深宮內家散盡君王走此後

歸來百念空何意塵緣猶未斷棲霞山畔還相見情禪叅破

事從虛千秋佳話畱紉扇離合悲歡夢一場憑將兒女譜興

亡坐中亦有多情客莫向當筵唱斷腸

劉家珍

字席待號鹿沙廩貢生中柱子少有詩名與查夏重殷彥來唱和最多著護堂彙一卷北省集二卷

藕花書屋  
集三卷

自眞州至浦口輿中苦熱晚登彌羅閣

客程困炎熇踏冰思赤脚老僧借我游  
凌空得層閣嶙峋生  
遠涼天風向簷落置身齊雲霄縱目  
周寥廓東西剝衆峰林  
莽望交錯始覺紅塵中卑棲徒束縛  
仙人如可期瑤壇跨蒼  
鶴

曉登妙高臺

凌晨通霽色獨上妙高臺人語南徐  
近潮聲北固來帆檣雲  
外直樓閣鏡中開梵放闌清磬魚龍  
聽法回

高沙晚泊

孤城斜日泛春煙簇簇歸帆古驛前  
通市水聲收鴨陣隔隄  
人語打魚船無邊蔓草青連樹不盡  
長湖白到天趁得夜涼



須挽棹二分月向廣陵圓

地安門觀荷

行盡荷池又稻田  
碧花紅穗散秋烟  
一羣鷺鴨三篙水  
酷似江南雨後天

吾家老嫗王氏年八十有九親見先學博春字公至今凡七代矣以老病歿感而賦詩

吾家老嫗八十九鶴髮蕭蕭背走匣底猶存萬歷衣嫁時記飲崇禎酒少逢勝國變滄桑往事時聞說申西彷彿白頭宮中人開元天寶不去口吾家世系經七見曾奉三山老詩叟逮我司馬貞修公早歲崢嶸膺印綬讀書風雪供茶湯延厓簪裾翦菘韭傳來清白有家風隱德綿延堪不朽草蔬涕淚誅豺狼謝客金焦揮瓊玖家乘瑣屑事不詳老嫗備能言

某某初聞遺事喜不勝信筆確記垂永久列祖之德匪敢忘  
老嫗例與世臣偶每一召食心怦怦相敬如見良師友慮全  
赤脚婢其儔蘇軾春夢婆可取老嫗老嫗脫諸緣逍遙竟到  
無何有太夫人亡二十年人生安得如汝壽

題張明府謫餘草後

澤國利早年畏水如畏寇去秋遭天吳萬頃不一救賢哉惟  
我公上書得入奏

帝心軫民瘼撫卹一從厚今春初佈種涓涓水來又我公悲  
災黎奔馳瘁昏晝村村舟必通家家門可叩水深雞犬逃米  
盡兒女瘦幾處最傷心淚絲溼雙袖形容傳諸詩字字抵瓊  
琇我起爲公語災荒理可究水去非天功水來非天咎淮黃  
壅上流安得遂耕耨東南六七邑熒熒悲在疚我願治河吏

置公詩座右

藕花書屋落成

茅堂蕭散老東谿，又架虛檐接屋西。  
纔有窗陰玉面潤，忽添花影十分齊。  
絳紗浮水朝霞起，翠蓋平欄落日低。  
受賀不須勞燕雀，鴛鴦已飭碧嚬啼。

殷王嶧

字高郵人

題劉鹿沙深柳讀書圖

吾鄉澤國城爲孟，三十六湖連射湖。  
人家村村種楊柳，雖最少者皆千株。  
溪迴水抱一丸地，中間結屋鄰鷗鳧。  
鳧鍵惟高嘯者誰子，吾友才氣今所無。  
牀頭堆書一萬卷，吐棄糟粕餐精腴。  
抱膝自爲雒生詠，時時繞樹拈吟鬚。  
湖光染作鬢頭綠，四圍柳色烟模糊。  
此時此景曠欲絕，胸次不著纖塵污。  
書成詣

闕獻

天子才大豈得終菰蘆獨惜溪山好風物別久不見心煩紆  
每思此地夢先往亟倩好手皴爲圖分明一嶼輞川畫但一  
披對忘朝晡他時歸去幸無忘與君相約言非誣朝擎艇子  
暮可達綠陰深處聽鷓鴣

周

壘

字地六江都人居邵伯鎮所著有雪嶠漫興詩橐

如登北固云野寺藏秋影山窗饒夕陽卽景云空林片  
月白小閣一燈紅春曉云披衣先聽鳥下榻卽看花七  
言如探梅云峯迴路轉僧歸寺雨細風微客問花春  
和潘持垣云愁隨漏盡猶來夢病到春深尚覺寒開步  
城外園亭云露地桐陰雙鶴立雲移山色一亭開清明  
集飲云酒無礙病何妨醉花趁能看莫厭頻皆可摘也

清明前二日同徐夢獻邱子高張伊蒿鄭開平張汝州  
潘持垣謝雲尼王淑人過王天涉別墅探梅時有先我  
而至者復放舟東湖賦此

青青湖上路人在暮春初楊柳藏新燕桃花上鱖魚不因詞  
客滿致令逸情疎到處花如繡尋芳過別廬

北固山

樵盤松逕曲引客涉危岑雨霽明山翠秋高薄樹陰潮來江  
岸遠鴻入海天深幽事誰人共僧閒伴我吟

虞山

喜得漁人引仙源路不賒流泉空谷響古殿半峰遮滿壑騰  
雲氣懸陂長蘂芽登臨落日外我獨愛山家

坐東郭草堂

村近遊常到吟成我自刪逢時無薄技息影得餘閒雨急何  
殊瀑雲高卽是山眼前多好景對此亦開顏

吳

綺

字蘭次江都人順治九年以拔貢生授中書舍人  
詔禮楊繼盛傳奇稱旨卽以楊

繼盛之官官之時以為榮尋陞工部郎中康熙四年出  
知湖州府甫下車廉得大猾主名單舸擒治士民勸善  
動地凡其剽暴與利民皆稱便凌先生義渠棺無葬地  
齒次捐貲卜地葬之山人孫太初墓在道場山下鄭善  
夫構屋於其挂瓢處為歸雲巷歲久墓與巷皆荒圯  
次為修葺求得碑石于亂草中立之岷山舊有三賢祠  
祀顏魯公蘇文忠黃龜齡既類敢辱為支釜庖湎之地  
及明陳筠塘幼學為九賢祠又訪孫莘老驛構之不可得因  
立碑石為前守毀以鑿池出金使老吏購之不可得因  
于其故址作亭而刻石以記又濬碧浪湖構岷山諸亭  
吳興名勝皆由蘭次著也政治尚簡靜放衙散帙蕭然  
維誦嘗為詞云詩瓢酒盞茶鑪是閒中簿書可以見其  
風度矣好賓客四方名士若施愚山徐健巷吳梅村宋  
荔裳周棟園高阮懷黃九烟及宗鶴問卓火傳之流過  
從無虛日登臨唱和風雅擅于一時大吏卒以此劾之  
罷官後乃遊虎邱鄧尉復與吳中士大夫相吟詠又遊  
嶺南三楚而歸既歸江都貧無田宅購廢園而居有求  
詩文者為種一梅久之梅樹成林因名之曰種字林葺  
菴蘇舸于中與汪蛟門懋麟王武徵方岐蔣前民易桑  
楚執豸宗梅岑定九顧書宣圖河鄧孝威漢儀詩酒往  
來後又卜居于黃珏橋鎮作歸湖詩以示同輩和者數  
十人生平最工駢體與陳其年並稱又工詞自號紅豆  
詞人嘗以唐多令禱于江神風浪為之息七古宗初唐

五七律安雅典貴卓然成家四庫書所稱神姿艷逸  
不媿才人者也惡世之斥宋詩者乃選唐以後詩爲宋  
詩永金詩永元詩永若干卷刻之所著有林蕙堂集收  
入四庫又有亭臯詩集記紅集唐詩注共若干卷

### 塞下曲

日暮黃雲飛天山夜傳箭男兒好身手結束事征戰劔血汚  
金鞍袍花染成茜勢絕無援兵投幘目如電不恨死沙場所  
恨君不見坐令刀筆人議論明光殿

### 碧巖

弁嶺如率然碧巖乃其腹栝柏行陂陀蒼蒼滿椒麓石磴幾  
盤紆重崖互回伏當其登頓時一上一豁目屢憩始得達曠  
朗見晴旭下視七十峯波搖夕陽綠飛沫洒明珠懸泉挂寒  
玉幽池出雲氣蜿蜒駭靈族憑空一舒嘯乃信世塵促

### 登隴山絕頂望太湖用康樂韻

春色生東南良辰引孤眺屢陟蜿蜒背排雲入蒼峭振衣覽  
震澤一碧與霞曜泠泠林樾閒魚龍聽長嘯我時栖碧山久  
處欲忘妙捫蘿快所覩得免猿鶴誚旣愜邱壑情彌羨滄州  
釣舉手望烟客相期發幽調

送髯孫赴粵幕

按髯孫名  
默字無言

銅馬門前橫晚照年年別淚沾春草丈夫投筆忽從戎腰弓  
直出漁陽道憶君年少讀奇書樓畔停車玉不如珠勒遊曾  
同白下錦囊詩擬過黃初此時意氣凌霄斗醉挽姬人弄楊  
柳起舞時聞越石雞雄篇不換長卿酒無端憔悴向長安蜀  
道偏歌行路難勢去田文空感慨愁來范叔只飢寒飄零巷  
北連茅屋細語空堂夜燈綠幽憤難教鷓鴣知途窮却向驂  
駟哭一朝揚僕擁戈船十丈牙旌下九仙揖客將軍稱大樹



登臺賓客愛紅蓮羨君擲筆心偏壯拂拭吳鉤笑相向飛檄  
應教百郡傳凱歌曾令三軍唱我泛蒲桃持玉鐙爲君倚筮  
歌吳聲依人漫作思鄉夢失路寧爲出塞行君不見隆郎夜  
策羊城騎橐內黃金鳴得意又不見伏波高柱矗雲中椒殿  
還論新息功男兒致身會有處安能老向東湖住潮轟戰鼓  
打崖門月照零丁人未渡韓柳文章儋耳詩送君南去日相  
思手中但有長纓在莫戀花田飯荔枝

送仲潛南還兼訊同社諸子

十年不到康山路夢裏江雲瀉春樹憶昔當年廡下棲賃春  
早得臯君顧此時廷尉綰金章高名大節凌天閭君家兄弟  
富文藻馬氏白眉稱最良伯也論交具雞黍晨夕追隨呼爾  
汝與君接袂不多時把酒談詩獨心許待詔無端同曼倩離

懷歲歲驚飛電潞河雙鯉不傳書漁陽匹馬還重見見君不  
爲利名來取卯危巢事可哀萬里艱難歸趙璧三秋慷慨上  
燕臺燕臺燕沒堪長慟昭王死後黃金重紫閣何人解設鱗  
朱門到處長題鳳憐君意氣轉相投匝歲浮查每共遊寒燈  
歲臥山中寺短筇狂歌市上樓狂歌醉臥日相看似爾渾忘  
歸計難豈謂秋風生短褐却教明月照征鞍高梁鞍馬斜紛  
照丈夫小別何堪道心事寧須兒女知圖謀肯使英雄笑爲  
我傳言舊酒徒五陵同學漫踟躕長卿已倦遊梁興欲向康  
山更結廬

鶴洲車堂借季點坦夫

放棹尋鴛水停橈問鶴洲荷香高入檻竹密翠遮樓有石都  
能瘦無溪不占幽鳥魚渾自得盡日爲淹留

水部詩應好東山許客俱一園開兩徑孤閣見重湖著處安  
棋局隨行得畫圖再來知未厭畱約與沙鳧

歸雲菴拜孫太初墓

何處覓榛闢林中宿草斑殘碑生白雪高士有青山春淺花  
猶夢天空月未還託交憐異代惆悵夕陽間

典裘

出都有三裘至廣陵友人復以貂贈丁未秋盡付  
質庫一以毛脫獨存湖山風雪被服開尚有魯靈

光也

黃酒曾爲爾官貧近復然賤酬增僕恥勤曝益妻憐深厚惟  
思貉奇溫定屬綿如何五湖長不及傲秦年

質珥

子少更多難丙子備極流離乙巳夏  
封宜人拮据爲其六珈云報也丁未在縣亦付子

母家成兒周堂日不能備禮服  
焉北門之誚賴德耀其庶免乎

象服邀

天寵相酬幸有端

恩榮纔五馬驅使及雙鸞  
翠減花奩空珠銷綠鬢  
寒琴臺同笑廉婦欲爲難

解帶

丙午過茗川儀鳳橋解金帶助輿梁之役旋復置一圍未御而旋以急廢之嗟哉萬釘九環亦有神

耶命

芍藥開前兆圍金忍見辭  
非關畱鎮寺不暇去題詩  
望失裴還日思添沈瘦時  
黃金誰更贈空自記犀毘

鎔杯

鄉俗往來多以杯筭近習務作僞以赤堇勝大抵不及三環耳急中盡付治工存篋中者皆不材也

何若竹根木瘦  
稱耐久朋哉

樂聖平生志銜觴竟鮮終  
寧言眞羽化只是費鑪鎔  
耿雪成何易陶巾漉未慵  
瓦盆翻自得長占酒泉封

歸雲巷夜泛同愚山阮懷諸子

山晚離城遠寒新怯暮遊亂峯爭落日一徑入深秋清興因  
官懶詩名借客留何時能解絃終夕對滄州

萬玉巷古梅詩

康熙丁未行部雒城遊萬玉巷于籍外

垣使近堂下用賦一詩爰記其事庚戌罷郡再過其地意且復淪叢莽而芳條轉茂則邑侯韓君子久以石關護之倍加愛焉嗟乎金城之柳宣武見而傷情東陽之槐仲文攀而隕涕并木榮悴之故其感于人

心者深矣復作一章併前製題之于壁庶後之君子有所觀感也夫

得樹當年事重來鵝雁堂歲時空冷落草木少炎涼載酒人  
還到巡檐思轉長不須憂剪伐仙令在河陽

蛟門招同孝威豹人崔問小集

別離經幾歲相見復今年客子頭先白先生意獨元花香生  
酒畔燕語落燈前騎馬寧愁滑蟾光正滿天

南安客舍水閣對月

浪跡渾無定投林似暫歸橋橫河路曲月出水烟微凝思看  
鳧浴含情待雁飛誰憐砧杵夜萬里共晴暉

泊下簾

泛楚宵停棹遙遙野水邊燈明沽酒肆歌出打魚船夢不因  
雞醒歸終讓雁先計程猶自遠月共客心懸

遷居種字林有作

懶效靈均卜因攜抱樸裝鶴馴能負笑龜老解支牀過雨移  
山竹畱春障海棠從今花下醉酌酒寄襄陽

梅岑月樵偕顧書宣過訪

舊好思宗炳能偕二仲來畱連當竹坐徙倚值花開老覺貧  
交重清知俊友才不嫌山徑淺頻得破蒼苔

黃子湖

晚歲甘幽僻謀居就水涯庭虛容看月地敞足栽菘耆鶴宜  
三徑閒鷗共一家夜來清夢穩不復聽城笳

寄懷涪溪夫子

酒濕青衫半淚絲燈殘猶掩一編詩未成國士羞言報不遇  
名賢恥受知千里高情吟荔宇三年宦況問梅枝吳公去後  
循良少懷舊長沙不自持

悼友詩

鄒蘇字建之邑諸生能文善書死于兵

自是梁園授簡人堪悲血影濺泥塵玉樓渺渺天難問塵劫  
悠悠草不春幾日醇醪歸後想一編風雅夢中身西齋尚有  
畱題處眼見銀鉤淚滿巾

趙璘字子璘府諸生家貧嗜學性不諧俗死於兵

登樓煮酒只今年再過雙扉鎖暮烟身後有人嫌調冷生前  
無事許人憐文園命薄終慳遇昌谷才高亦累仙從此茱萸  
灣畔路不堪回憶李膺船

高孝繼字申伯城破時自經于文廟

陳東痛哭已吞聲南望驚傳繫短纓蟋蟀河山歸宰相蜉蝣  
風節在諸生丹楹一代名無忝白馬三更夢不平却憶射書  
城下者夜臺瓜葛好班荆

入署拜椒山楊先生祠時奉

命譜椒山傳奇

排雲寧計九重賒猶剩清風滿署衙觸佞角應同獬豸驅奸  
膽不惜蝻蛇當年臣節何須補異代

君恩更有加欲譜遺忠難握筆先生原是古夔牙



和王阮亭訪大明寺

潞河南望隔江烟七歲清明冷石泉何處樓臺畱梵劫有人  
詞賦倚吳天殘花著雨迷荒隴流水逢春入廢田客夢一時  
艱去住憑誰同問寶公禪

送文漪從軍

風急盧龍塞草霜故人一騎出漁陽誰能更護諸侯使自喜  
相逢俠客場青海射雕金箭落紅樓繫馬錦衣香江東公瑾  
眞年少莫誤春闈盼綠楊

感吳梅村學士

江闕蕭瑟古今愁宗衮文章八代優雅志豈須題墓見餘生  
端爲著書畱亂山短夢傳佳詠日落高臺憶舊遊青史飄零  
華屋冷羊曇空自哭西州

雪中飲唐朗思寺寓

雪館論交客思頻相逢雪屋倍情親三更濁酒春前飲四壁  
寒燈夢後身父老未忘騎竹事園林猶識種桃人葛疆若遇  
君歸棹爲報霜華兩鬢新

偕徐健菴同年李武曾姜西溟陳其年暨家志伊并長  
兒過訪毛黼季汲古閣賦贈

訪戴同爲刻曲遊紅橋新柳繫蘭舟六朝花草重三日四海  
文章第一樓扶病敢辭孤榻小多情只爲異書畱移家若許  
爲鄰並盡把牙籤借鄴侯

送宗鶴問之官秋浦

水國垂楊挂夕暉河梁執手寸心違不教才子題紅葉却送  
先生上翠微山水有情人未老琴書無事道寧非金門曼倩

知多少羨爾江邊苜蓿肥

送汪舟次太史奉使中山

諭蜀何煩羨馬卿  
駢驂夾道送君行  
裝從南越臺前盛  
文向東坡海外成  
島嶼豈期才子見  
波濤知爲

聖人平獨憐異國相思處  
萬里蓬壺月又生

采菱曲

新婦磯頭蘸綠波  
采蓮何似采菱多  
蓮心有味郎嫌苦  
菱刺鉤衣郎奈何

補種平山堂楊柳

何人新種綠陰齊  
六一堂高古竹西  
却笑隨堤千萬樹  
近來無慮著鶯啼

彭士右

字譽侯  
儀徵人

雨後

莫嫌行路濕草色正萋萋  
曉氣清塵袂春沙潤馬蹄  
看山新耳目飽食足鹽齏  
計日鄉關遠晴雲處處攜

劉允祚

字永錫號遠菴泰州人

中秋夜泊滕王閣

繞閣江光浸落霞蒼蒼雲樹接蒹葭  
人逢勝地詩難續客爲浮名鬢易華  
帝子風流餘畫蝶才人詞賦問棲鴉  
重來攬勝知何日徒倚闌干對月斜

趙開雍

字五經號韋齋寶應人

桐廬道中

邑小同邨落千峯列縣前  
灘高潮力減風順櫓聲便  
樵子雲中路人家畫裏天  
此閒思卜宅先辦買山錢

于王棟

字上叔號谷  
饒江都人

韜光寺

萬竹綠沈寺登臨此地高五更窺海日一綫走江濤歲月悲  
流水行藏感鬢毛懷人更懷古不覺首重搔

贈柴丈

惆悵春雲澹碧空隔江魚雁倩誰通一囊風月誰知己雙管  
烟霞有化工存沒涕痕兵甲後亂離心事酒杯中相期其約  
滄洲雪不羨淮南有桂叢

華

衮 字龍眉  
江都人

將入燕有作

落日下河梁風塵遠何之踟躕不能別私念寧無悲僕夫策  
晨裝征馬停路岐蕭蕭北風厲眷眷長河湄矢志在四方中

懷當告誰不怨霜雪苦豈憚羽毛疲翹首望長安行役及此時人生重少壯牖下將何爲

送陳其年歸宜興

行盡淮南路荆溪是故鄉鴻飛半江月夢壓一船霜歲酒催春至梅花笑客忙還家對妻子高臥讀書堂

金陵漫興

紅樓閒敞舞衣塵舊日青山蔓草新桃葉自流千古韻江聲遙送六朝人臺空夕照天花雨磯鎖東風燕子春爲問來遊諸貴客幾回買醉歇朱輪

野寺秋林

蕭瑟空林澹夕陽遙聞鐘磬出雲堂人行竹徑衣全綠葉落山房瓦半黃狐兔岡陵秋獵急牛羊樵牧寺門荒郊原何地

烽烟靖衰草寒烟暮雨長

徐

衡字辰玉號青嶽江都人

由九華京岷至招隱道中作

霜林風細葉聲乾路入千峯第幾盤  
行客每從江上望山僧  
只向坐中看雲封古洞苔痕綠松映新泉  
日影寒更欲幽尋  
巖際寺石橋烟月正漫漫

姚諶昉

字舒恭江都人

紅橋野望

倦極憑尊竚閒來此地遊有園皆面水無樹不遮樓  
黃鳥春殘怨青旗入暮愁好尋嵇阮輩結侶共林邱  
海陵重晤余聖玉感舊兼憶家叔都門

竹西亭畔月微明曾記從君載酒行  
隋苑鶯花迷一棹草堂

絲管怯三更合離未醒當年夢生死誰憐舊日盟此地重逢  
真不意幾回惆悵故人情

李嘉允

字爾孚號孟齋泰州人

夜識軒

山靜寺亦古窈然入初冬曉見千峯霜夜聽寒巖鐘有闕非  
草元有酒勞過從柳下真吾師閱世非不恭

九日同客飲石宮

露白葭蒼節序哀旅情鄉思共登臺邗江浪冷芙蓉暗沙磧  
風悲雁鶩迴醉眼極天窺月小亂山遮樹逐雲開芳樽敢惜  
遲遊展城闕新晴暮鼓催

吳維翰

字五玉如臯人

迷樓懷古



隋堤楊柳幾經秋策馬平山訪舊遊  
錦纜已隨流水沒玉階  
難爲故宮畱可憐粉黛三千女  
空占烟花十二樓  
往日笙歌  
二分月夜來猶自照邗溝